

প্রার্থনা ।

খ্যানের অতীত	তুমি হে মহান্
	ধারণা-অতীত তুমি গো ।
তোমার ডাকের	প্রকৃত ভাষাটি
	রসনার নাহি ফোটে গো ॥
হউক না ক্ষুদ্র,	বিহগ ভ্রমরা
	কোন ক্ষতি তায় নাহি গো ।
সফল জনম	রসনার সদা
	গুণাকর-গুণ গাহে গো ॥
নিশির শিশির	ও চরণ ধুতে
	ঝরু ঝরু ঝরু ঝরে গো ।
কান্তির পরে	শান্তি দিতে যে
	মলয়ার বায় বহে গো ॥
উষার মধুর	কোমল পরশে
	তোমারি তজ্রা ভাঙে গো ।
প্রকাশিতে তব	উজল দীপ্তি
	তপনের ছটা ঝরে গো ॥
দিবা অবসানে	সন্ধ্যা এসে যে
	রজনীর আসা ঘোষে গো ।
ফুলের নিয়াম	মেখে সারা গায়
	ধীরে ধীরে বায়ু বহে গো ॥
তারকা যে জ্বলে	তোমারি প্রদীপ
	তোমারি বিশ্ব-মাঝারে গো ।
ওঠে যে চাঁদিমা	তমসার সাথে
	কিম্ব-চন্দন মাখাতে গো ॥
মাধুরী-মার্থান,	ধরাখানি দেখে
	পাপিয়া স্রুতানে গাহে গো ।

